

ხელშეკრულება № 07

ქ. თბილისი

14 მარტი 2013 წელი

ერთის მხრივ შ.პ.ს "ჯორჯიან ექსპრესი" საერთაშორისო საკურიერო სამსახური "DHL"-ის ოფიციალური წარმომადგენელი საქართველოში, შემდეგში წოდებული როგორც "DHL" მისი დირექტორის მალხაზ პაპულაშვილის სახით, და მეორეს მხრივ შპს "საქართველოს საფოსტო და კომუნიკაციოების კორპორაცია" მისი დირექტორის ჯან - ვაჟა ჯაფარიძის სახით შემდგომში "შემკვეთი" შეთანხმდნენ შემდეგზე:

1. ხელშეკრულების საგანი:

1.1. დოკუმენტაციის, მცირე და საშუალო ტვირთების ჩაბარება მითითებულ მისამართზე საქართველოს ტერიტორიაზე. ტვირთების ქვეშ იგულისხმება ნებისმიერი საგანი ან ნივთი, რომელიც შეფასებულია და გააჩნია ღირებულება. "DHL"-ის მიერ გასაგზავნად მიიღება ნებისმიერი საგანი ან ნივთი, რომელიც არ არის აკრძალული საქართველოს კანონმდებლობით. (CPV - 6400000)

2. გზავნილების მიღება

2.1. გზავნილების მიღება ხორციელდება:

"DHL"-ის კურიერის უფასო გამოძახებით "შემკვეთის" ოფისში ტელეფონის საშუალებით (ტ.: 0431 244408), წინასწარ შეთანხმებულ პირთან და შეთანხმებულ მისამართზე. კურიერის გამოძახება გზავნილების ასაღებად უნდა მოხდეს დღის განმავლობაში არაუგვიანეს 16:30 საათისა, ხოლო შეტყობინება გამოძახებაზე კეთდება მინიმუმ 1 საათით ადრე.

2.2. „ გზავნილების მიღების დღეები:

- ა) გზავნილების მიღება სამუშაო დღეებში დილის 10.00.-დან 18.00.-მდე.
- ბ) შაბათს გზავნილების მიღება 10.00.-დან 13.00.მდე.

3. დამატებითი მომსახურება

"DHL"-ის მხრიდან დამატებით უფასო მომსახურებაში შედის:

- ა) კურიერის გამოძახება "შემკვეთის" ოფისში ან მის მიერ მითითებულ ადგილას.
- ბ) "DHL"-ის სტანდარტით გათვალისწინებული შესაფუთი საშუალებებით უზრუნველყოფა.
- გ) ინფორმაციის მიწოდება გზავნილების შესახებ მისი გადაადგილების მთელ მარშრუტზე.

4. მხარეთა ვალდებულებები:

4.1. „შემკვეთი“ პასუხს აგებს ყველა იმ ხარჯისა და ზიანისათვის, რომლებიც დადგა იმის გამო, რომ არასწორად ან არასრულყოფილად იქნა წარმოდგენილი:

- ა) მიმღების ზუსტი დასახელება და ზუსტი მისამართი;
- ბ) ტვირთის სახეობის ჩვეულებრივი სახელწოდება და შეფუთვის სახე, საფრთხე შემცველი ტვირთის დროს, მათი საყოველთაოდ აღიარებული აღნიშვნა;
- გ) გადასახიდი ტვირთის რაოდენობა, ნიშნები და ნომრები.
- დ) ტვირთის ღირებულება და მიწოდებისადმი განსაკუთრებული ინტერესის აღნიშვნა.

